

行先執筭

唐，慧斌，兗州人。博窮經論，後專靜慮。以慈救為務，每夏行步，恐傷微蟲，執筭先掃。隨得利養，密行檀惠種種善事，仍戒勿泄。

贍濟乞人

唐，曇選，高陽人，居興國寺。性好慈濟，財物不積。置巨鑊，併乞人所得食總為餲粥，列坐群乞，手自斟酌。見其藍縷，形容消瘦，憐憫墮淚，悲不自勝。已亦同群受粥而食，遂及多載。

施戒放生

五代，永明壽禪師，居永明十五年，度弟子千七百人；入天台，度戒萬餘人。常與七眾授菩薩戒，夜施鬼神食，放諸生類。六時行道，餘力誦法華經一萬三千部。開寶八年十二月二十六日，焚香告眾，趺坐而逝。